




2075



唐詩紀事  
一六


Inches 1 2 3 4 5 6 7 8

Centimetres



**TIFFEN** Color Control Patches

© The Tiffen Company, 2007

Blue Cyan Green Yellow Red Magenta White 3/Color Black









唐詩紀事卷第七十四

僧文秀

僧尚能

僧樓白

僧無可

僧神穎

僧懷潛

僧應物


僧可朋

僧雲表

僧文秀

端午詩云節分端午自誰言萬古傳聞為屈原堪笑  
楚江空浩浩不能洗得直臣冤

秀唐末詩僧也鄭谷喜秀上人相訪詩有它夜松堂  
宿論詩更入微之句又次韻秀上人長安寺居言懷  
云舊坐松老別多年香社人稀喪亂間出寺只知趨





內殿閉門長侶在深山又重訪秀上人云展盡長懷  
吳寺殿宜茶偏賞雪溪泉又寄題詩僧秀公云靈一  
心傳清塞心可公吟後楚公吟近來雅道相親少唯  
仰吾師所得深好句未停無暇日舊山歸老有東林  
吟曹孤宦甘寥落多謝携筇數訪尋秀南僧也而居  
長安以文章應制故谷送遊五臺詩云內殿評詩切  
身回心未回

僧尚能

中秋旅懷云所畜惟騷雅兼之得因窮望鄉連北斗  
聽雨帶西風稼穡村坊遠烟波路逕通冥搜清絕句

恰侶有神功

僧樓白

中秋夜月云尋常三五夕不是不嬋娟及到中秋半  
還勝別夜圓清光疑有露皓色爽無烟自古人皆玩  
年來更一年

哭劉得仁云爲愛詩名剛到此風魂雪魄去難招直  
教桂子落墳上生得一枝窈始銷

送造微上人遊五臺及禮本師云寒空金錫響欲過  
渭陽津極目多來鴈孤城少故人與師雖別久於法  
本相親又對清涼月中宵語宿因



送僧歸舊山云談空與破邪獻壽復坐家白日得何  
偈青天落幾花傳燈皆有分化宿獨無涯却入中峰  
寺還知有聚沙

曹松薦福贈白上人云才子紫檀衣明君寵顧時講  
昇高座懶書蒼重臣遲瓶勢傾圓頂刀聲落碎髭還  
聞穿內禁隨駕進新詩

李洞贈白上人云險倚石屏風秋濤夢越中前朝吟  
侶散故國講流終北地聞巴狄南山見磧鴻樓高鷺  
雨濶木落覺城空鬼滿期姚監蟬稀別楚公淨瓶光  
照客柱杖朽生虫平地塔千尺半空燈一籠祝堯談

幾句旋鴈海朝東

洞又哭白上人云聞說孤窓卧化時首摩羅雨滴空  
池吟詩堂裏秋開影禮佛燈前夜照碑賀雪已成金  
殿夢看濤終負石橋期逢山對月還惆悵爭得無情  
侶祖師

僧無可

中秋翫月云蟾宜天地靜三五對塔明照耀超諸夜  
光芒掩衆星影寒池更澈雲冷樹梢青枉值中秋夜  
長乖宿洞庭

金州夏晚陪姚合員外遊金州南池云柳暗青波漲



唐紀卷之十一  
衝萍復嫩苔張筵白鳥下掃岼使君來洲島秋應沒  
荷花晚盡開高城吹角絕駟馭尚徘徊

冬日寄僧友云歛履入寒竹安禪過漏聲高杉殘葉  
落深井凍痕生罷磬風枝動懸燈雪屋明何當招我  
友乘月上方行

白閣未歸日青門又值春半天傾暴雨數郡見廬峰  
句右張爲取作主客圖

秋夜宿西林寄賈島云暗虫喧暮色默思坐西林聽  
雨寒更盡開門落葉深昔因京邑病併起洞庭心亦  
是吾兄弟遲回共至今

秋日寄厲玄云楊柳起秋色故人猶未還別離何日  
苦少壯豈能閑夜雨吟殘燭秋成憶遠山何當同一  
見語默此林間

廬山寺云千峰盤磴盡林寺昔年名步步入山影房  
房聞水聲多年人跡絕殘月在陰清便可求居止安  
閑過此生

題青龍寺僧房云從誰傳法印不離上方傳夕磬城  
霜下寒房竹月圓烟殘衰木畔客住積雲邊未隱滄  
洲去時來於此禪

新年作云然燈朝復夕漸作長年身紫閣未歸日青



門又值春掩關寒過盡出定草生新自有林中趣誰  
驚歲月頻

贈圭峰禪師云絕壑禪床底泉分落石層露澆高頂  
草雪隱下方燈朝滿傾心客溪連學道僧半旬持一  
食此事有誰能

金州別姚合云日日西亭上春留到夏殘言之離別  
易免以道途難山出一千里溪行三百灘松間樓月  
裏秋入五陵寒

姚合送無可住越州云清晨相訪門前立麻履方袍  
一少年懶讀經文求作佛願攻詩句覓成仙芳春山

影花連寺觸夜湖聲月滿船今日送行偏惜別共師  
文字有因緣

李洞贈可上人云寺門和鶴倚香杉月吐秋光到思  
曉將法傳來穿泐澗把詩吟去尖巖岩糝糊疏卷烟  
嵐滴狼藉衣裳瀑布緘不斷清風牙底嚼無因內殿  
得名街

僧神穎

和王季文題九華山云衆岳雄分野九華鎮南朝彩  
筆疑空遠崔嵬寄青霄龍潭古仙府靈藥今不凋瑩  
爲滄海鏡烟霞作荒標造化心數奇性狀精氣饒玉



樹鬱玲瓏天籟韻蕭寥寂寂尋乳竇兢兢行石橋通  
泉漱雲母藉草紫香茗我住幽且深君賞昏復朝稀  
逢發清唱片片霜凌颺

宿嚴陵釣臺云寒谷荒臺七里洲賢人求逐水東流  
獨俱叫斷青天月千古冥冥渾樹秋

僧懷濬

秭歸郡僧懷濬不知何所人乾寧初知來巖往皆有  
神驗刺史于公以其感衆繫而誥之乃以詩代通狀  
云家在閩山西復西其中歲歲有鶯啼如今不在鶯  
啼處鶯在舊時啼處啼又詰之復有詩云家在閩山  
渡之流乎出北夢瑣言

僧應物

龍潭云石激懸流雪滿灣五龍潛處野雲間暫收雷  
電九峰下且飲溪潭一水間浪引浮槎依北岬波分  
曉日浸東山回瞻四面如看畫須信遊人不欲還

題化城寺云平高選處創蓮宮一水縈流處處通畫  
閣晝開遲日畔禪房夜掩碧雲中平川不見龍行雨  
幽谷遙聞虎哨風偶與遊人論法要真元浩浩理無



窮 應物大中時江南詩僧也與羅鄴唱酬作九華山記

僧可朋

可朋丹稜人少與延讓為風雅之友有詩千餘篇號  
王壘集會題洞庭詩云水涵天影潤山拔地形高贈  
友人曰來多不似客坐久却垂簾歐陽烟以此比孟  
郊賈島言其好飲酒貧無以償酒債以詩賙之可朋  
自號醉髡贈方干詩云月裏豈無攀桂分湖中空賞  
釣魚休杜甫舊屋云傷心盡日有啼鳥獨步殘春空  
落花寄齊已云唯陪北楚三千客多話東郊十八賢  
劉公詩話云有詩僧讀洪州滕王閣詩謂守者詩總

不佳何不除却守云僧能佳平即吟曰洪州太白方  
積翠滿穹蒼萬古遮新月半天無夕陽守異之然南  
方浮屠能詩者多矣予嘗見可朋詩云虹收千丈雨  
潮弄半江天又云詩因試客分題僻碁為饒人下着  
低不減唐人詘詩

孟祖廣政十九年賜詩僧可朋錢十萬帛五十疋

孟蜀歐陽迥與可朋為友是歲酷暴中歐陽命同僚  
納涼於淨衆寺依林亭列樽俎衆方懼適寺之外皆  
耕者曝背烈日種耘田擊腰鼓以適倦可朋遂作耘  
田鼓詩以贄歐陽衆賓悶已遽命撤飲詩曰農舍田



頭鼓王孫筵上鼓擊鼓兮皆為鼓一何樂兮一何苦  
上有烈日下有焦土願我天翁降之以雨今乘麻熟  
倉箱富不飢不寒上下一般言雖淺近而極於理君  
子謂可朋諫而歐陽善聽焉

朋賊洞庭云周極八百里凝眸望則勞水涵天影澗山拔  
地形高賈客停非久漁翁轉幾遭颯然風起處又是鼓濤濤  
僧雲表

寒食詩云寒食悲看郭外春野田無處不傷神平原  
壘壘傷新塚半是去年來哭人

唐詩紀事卷第七十四

唐詩紀事卷第七十五

僧虛中 貫休 僧齊已 殷七七

許碯 許宣平 裴修然

僧虛中

寄中條司空岳侍郎詩曰門徑放莎垂往來投刺稀  
有時聞御禮特地掛朝衣嶽信僧傳忞天香鸚帶歸  
他年二南肯無復更衰微聞一作開

又云道遙短褐成一劍動精靈白晝夢仙島清晨禮  
道經黍苗侵野逕菜樵汚閑庭肯要為鄰者西南太  
華清



圖贈虛中云十年華嶽峰前住只得虛中兩首詩言  
得其意趣也

虛中宜春人也遊瀟湘山水與齊已尚顏栖蟾為詩  
友住湘西粟城寺潭州烏氏子希振侍中好事每出  
迎納於詩閣虛中好燒火烟昏彩翠去後又復粉飾  
又題馬侍郎池亭云嘉魚在深處幽鳥立多時

聽軒轅先生琴云訣妙與功精通宵膝上橫一堂風  
冷淡千古意分明坐客神竟疑巢禽耳目傾酷哉傷  
紂世曾不遇先生

芳艸云綿綿芳草綠何處動深思金谷人亡後沙場

日暖時龍鱗藏有瑞風雨洒無私欲採蘭兼蕙清香  
可贈誰

善卷壇云耕荒鑿原時高趣在希夷大舜欲遜國先  
生空歛眉五溪清不足千古美無虧縱遣亡淳者何  
人投所思亡淳字傳疑

經賀監舊居云不戀明皇寵歸來鏡水隅道裝鸛汀  
識春醉釣人扶逐朵雲如吐成行鴈侶驅蘭亭名景  
在蹤跡未為孤

贈屏風岩栖蟾上人云出房高且靜住此幾寒暄鹿  
麕安禪石狼啼乞食村朝陽生樹罅古道透雲根獨



我聞相覓事涼碧洞門

泊洞庭云槐柳未知秋依依館驛頭客心俱念遠時  
雨自相留浪浸貨魚市帆高賣酒樓夜來思展轉故  
里在南州

僧貫休

姓姜氏字德隱婺州蘭溪人錢鏐自稱吳越國王休  
以詩投之曰貴逼身來不自由幾年勤苦蹈林丘滿  
堂花醉三千客一劍霜寒十四州萊子衣裳宮錦窄  
謝公篇詠綺霞羞他年名上交烟閣豈羨當時萬戶  
侯鏐論改爲四十州乃可相見曰州亦難添詩亦難

改然閑雲孤鶴何天而不可飛遂入蜀以詩投王建  
曰河北河南處處災惟聞金蜀少塵埃一瓶一鉢垂  
垂老萬水千山得得來秦苑幽栖多勝景巴歛陳貢  
愧非才自慙林藪龍鐘者亦得親登郭隗臺建遇之  
甚厚建二年召令誦近詩時貴戚皆坐休欲諷之乃  
稱公子行云錦衣鮮莖手擎鵲閑行氣貌多輕忽稼  
穡艱難總不知五帝三皇是何物建稱善貴倖皆怨  
之休與齊己齊名有西丘集十卷吳融爲之序卒死  
于蜀

休每得句云只堪供養佛故懷贈武昌樓一云風清



唐詩卷七十五  
江上月霜洒月中砧得句先呈佛無人知此心

休工篆隸初在荊州成中令問其筆法曰此事須登壇而授詎可草草言之成怒迺放黔中因爲病鶴詩曰見說氣清邪不入不知爾病自何來

赤旃壇塔六七級白齒苔花三四枝禪客相逢只彈指此心能有幾人知石霜問云如何是此心休不能答石霜云汝問我答休即問之霜云能有幾人知

唐末寇亂休避地渚官判帥高氏優待之館于龍興寺會有謁宿話時政不治乃作酷吏詞以刺之云霰雨潏潏風吼如斷有叟有叟暮投我宿吁歎自語云

太苛酷如何如何掠脂幹肉吳姬唱一曲等閑破紅束韓娥唱一曲錦段鮮照屋寧知一曲兩曲歌曾使千人萬人哭不惟哭亦白其頭飢其族所以祥風不來和風不復蝗兮蠶兮東西南北遂離荆門立趨井絡上蜀主陳情之詩

春山行云重疊天古色濛濛花雨時好山行恐盡流水語相隨黑壤生紅葉黃後領白兒因思石橋日曾與道人期

晚泊湘江懷古云烟浪濛秋色高吟侶得隣一輪湘渚月千古獨醒人岫濕穿花遠風香禱廟頻只應諛



倂者到此不傷神

天台老僧云獨住無人處松龕嶽雪侵僧中九十臘  
雲外一生心白髮垂不剃青眸笑更深猶能指孤月  
爲我暫開襟

寒夜思盧山賈生云山兄詩僻甚寒夜更何爲覓句  
如頑坐巖霜打不知石膏粘木履岷粟落水池近見  
禪僧說生涯勝住時

雪夜寄友人云皓彩中霄合開門失所從何年今夜  
意共子老孤峰氣射燈花落光侵壁罅濃唯君心侶  
我吟到五更鐘

苦熱云松桂晝不動陽鳥飛半天稻麻傾結實沙石  
欲生煙毒氣仍干扇高枝不立蟬舊山多積雪歸去  
是何年

途中逢周朴云東西南北路相遇共興衰世獨無知  
已子從何處來菊衰芳草在程遠宿烟開儻遇中興  
主還應不用媒

題嶧桐律師院云律中麟角者高淡出塵埃芳草不  
曾觸幾生如此來壑風吹磬斷杉露滴花開如結林  
中社伊余願一陪

言詩云經天緯地物動必是仙才幾處覓不得有時



還自來真風含素髮秋色入靈臺吟向霜蟾下終須  
神鬼哀

休糧僧云不食更何求自由終自由身輕嫌衲重天  
旱爲民愁供器誰將去生臺蟻不遊會須傳此術歸  
去老林丘

觀地獄圖云峨峨水劍閣有樹不堪攀佛手遮不得  
人心似等閑周王應未雲白起作何顏盡日空彈指  
忙忙塵世間

山居五首云休話喧譁事事難山翁只合住深山數  
聲清磬是非外一箇閑人天地間綠園空塔雲冉冉

異禽靈草水潺潺無人爲向君王道岩桂枝高正好  
攀詎是言休即便休清冷孤坐碧溪頭三間茹屋無  
人到十里松關獨自遊明月清風宗炳社夕陽秋色  
庾公樓修心未到無心地萬種千般逐水流  
心心心不佳希夷石室曉岩白髮垂惜竹不除當路  
筍愛松留得礙人枝焚香開卷雲生砌卷箔冥心月  
在池無限故人頭盡白不知頭白又何之

自古浮華能幾朝逝波終日去滔滔漢王廢苑生秋  
草吳主荒宮入夜濤滿屋黃金機不息一頭白髮氣  
猶高豈知物外金仙子甘露天香滴毳袍



翠寶烟霞盡不成桂香瀑沫雜芳馨撥霞掃雪和雲  
毋搗石移松得茯苓好鳥傍花窺王磬嫩苔和水汲  
金瓶從他人笑從他笑地覆天翻也只寧

經東林寺云白簷葡萄花露滴滴碧蕊菊草雨濛濛田  
地更無塵一點是何人合住其中

夜夜曲云螻蛄切切風騷騷芙蓉噴香蟾蜍高孤燈  
耿耿征婦勞更深撲落金錯刀

古意云乾坤有清氣散入詩人脾聖賢遺清風不在  
惡木枝千人萬人中一人兩人知憶在東溪日花開  
葉落時幾擬以黃金鑄作鍾子期

僧齊已

僧齊已有詩名住襄州謁鄭谷獻詩云高名喧省闈  
雅頌出吾唐疊獻供秋望無雲到夕陽自封修藥院  
別下着僧牀幾夢中朝事又離駕鷺行谷覽之云請  
改一字方可相見經數日再謁稱已改得詩云別掃着  
僧床谷嘉賞結爲詩友還人詩卷云李賀李白遺機  
杼散在人間不知處聞君收在芙蓉江日聞鮫人織  
秋浦金梭劄劄文離離吳姬越女羞上機鴛鴦浴烟  
鸞鳳飛澄江曉映餘霞輝仙人手持玉刀尺寸寸酬  
君與珠璧裁作霞裳何處披紫皇殿裏深相覓



後唐明宗太子從榮好作歌詩高輦輦多依附之觀  
碁詩云看他終一局白却少年頭

齊已中秋詩云東林莫礙漸高勢四海正看當時路  
從榮果謀不執唱和者言陟嫌疑皆就誅惟齊已得  
荆帥高令公匿而獲免

中秋月云空碧無雲露濕衣衆星光外湧清規東樓  
莫礙漸高勢四海待看當路時還許分明吟皓魄肯  
教幽暗取丹枝可憐半夜嬋娟影正對五侯殘酒卮  
早行云舟子相呼起長沙天五更幾看星月在猶帶  
夢魂行鳥亂村林迥人喧水柵橫蒼茫平野水漸塊

遠峰名

詠鴈云瀟湘水暖全迷鶴邏沙川寒只有鷗誰向孤  
舟憶兄弟坐看連鴈渡橋

詠鷺云何事經年悶好音暖風催出轉喬林羽毛新  
刷陶潛菊咲舌初調叔夜琴怕雨並栖紅杏密避人  
雙入綠楊深曉來枝上千般語侶共桃花訴舊心  
夏日草堂作云沙泉帶草堂紙帳卷空床靜是真消  
息吟非俗肺腸園林坐清影梅杏嚼紅香誰住原西  
寺鐘聲送夕陽

寄方千處士鑑湖舊居云賀監舊山川空來近百年



聞君與琴鶴終日在漁船島路深秋石湖澄半夜天  
雲門幾回去題偏好林泉

寄錢唐羅給事云噴噴嘔讒書無人誦子虛傷心天  
佑未搔首懿宗初海樹青叢短湖山翠點踈秋壽看  
足否羅利石邊居

戊辰歲湖中寄鄭谷郎中云白髮又慵簪常聞病亦  
吟瘦應成鶴骨閑想侶禪心上國楊花亂滄洲荻筍  
深不堪思翠蓋西望獨沾襟

劍客云拔劍遶殘罇歌終便出門西風滿天雲何處  
報人恩勇死尋常事輕讎不足論翻嫌易水土細碎

### 動離魂

歸鴈云塞門春亦暖連影起蘋風雲夢千行太瀟湘  
一夜空江人空舉網虜將又虛弓莫失南來伴衡陽  
樹即紅

東林作寄金陵知己云十八賢真在時來拂榻看已  
知前事遠更結後人難泉滴勝清磬松香掩白壇憑  
君聽朝貴誰欲馱簪冠

山寺喜道士至云閨年春過後山寺始花開還有無  
心者閑尋此境來鳥幽聲忽斷茶好味重迴知住南  
岩又冥心坐綠苔



老將云破虜與平戎曾居第一功明時不用武白首  
向秋風馬病霜飛草弓閑鴈過空兒孫已成立膽氣  
亦英雄

聞貫休下世云吾師詩匠者直箇碧雲流爭得梁太  
子重爲文選樓錦江新塚樹嫠女舊山秋欲衣焚香  
禮帝須哭阻修

登祝融峰云猿鳥共不到我來身欲浮四邊空碧落  
絕頂正清秋宇宙知何極華夷見細流壇西獨立久  
白日轉神州

贈孫生云傳家詩自君別是繼詩人道出千途外功

爭一字新寂寥中影迹霜雪裏精神待折東堂桂歸  
來更苦辛

邊上云漢地從休馬胡家自牧羊都來消帝道渾不  
用兵防草上孤城白沙翻大漠黃秋風起邊鴈一一  
向瀟湘

行路難云下浸與高盤不爲行路難是非真險惡反  
覆作峰巒漆媿同時黑朱慚巧處丹令人畏相識欲  
盡白雲看

觀水云范蠡東浮濶靈均北泛長誰知遠烟浪別有  
好思量故國門前急天堦照裏忙難收樓上興湫漫



正斜陽

聽李先生琴云仙子弄瑤琴山山杉月深此聲含太古誰聽到無心洒石霜千片噴空瀑萬尋何人傳指  
迹携向海中岑

寄陸龜蒙云萬卷功何用徒稱處士休閑歌太古石  
醉聽洞庭秋道在誰開口詩成自點頭中間欲相訪  
尋便阻戈矛

自題云禪外求詩妙年來鬚已秋未曾將一字容易  
謁諸侯掛夢山皆遠題名石盡幽敢言梁太子傍採  
碧雲流

聽泉云落石幾萬仞冷聲飄遠空高秋初雨後半夜  
亂山中祇有照壁月更無吹葉風管曾廬岳聽到曉  
與僧同

宿簡寂觀云萬壑雲霞影千峰松桂聲如何教下士  
容易信長生月共虛無白香和沆瀣清閑尋古廊盡  
記得列仙名

觀燒云獵獵寒蕪引承風勢不還放來應有主焚公  
到何山焰入空濛裏烟飛蒼莽間石中有良玉惆悵  
但傷顏

齊己本姓胡名得生詩名多湖湘間與鄭谷爲詩友



殷七七

殷七七名文祥周寶舊於長安識之及寶移鎮浙西  
七七忽至寶禮貌益勤每醉吟曰琴彈碧玉調爐養  
白珠砂稱造後巡酒能栽頃刻花鶴林寺杜鵑花云  
貞元中外國僧自天台鉢盂中以藥養其根來植於  
此寺僧飾花院或見女子遊花下或謂花神也一日  
寶謂七七曰鶴林寺花天下奇絕嘗聞能開頃刻花  
可開於重九乎曰可乃前二日往鶴林寺宿中夜女  
子謂七七曰妾爲上玄命下司此花非久即歸闍苑  
今與道者聞之來日晨起寺僧訝花漸拆至九日爛

爛熳後經兵火其花遂亡

許碻

碻遊江淮間常醉吟曰聞死花前是醉鄉拈翻玉卮  
九霞觴群仙拍手嫌輕脫謫何人間作酒狂

碻自稱高陽人少爲進士累舉不第後得道於娥眉山

許宣平

新安人也常掛一花瓢及曲竹枝醉則歌曰負薪朝  
出賣沽酒日西歸路人莫問歸何地穿白雲行入翠  
微好事者題于壁李白自翰林出東遊覽詩嘆曰仙  
人也



裴修然

唐道士裴修然楚州刺史思訓之子為人詆諧強學不成一名好詩酒善丹青鮮絲竹開元中嘗夜醉卧街犯禁乃為詩曰遮莫菱動須傾滿滿盃金吾如借問但道玉山頽官不罪之也出張彥遠名畫記

唐詩紀事卷第七十五

唐詩紀事卷第七十六

僧太易

僧惟審

僧滄浩

僧良義

僧志定

僧栖霞

僧曇翼

僧清塞

僧無悶

僧文益

僧修睦

僧景雲

僧太易

贈司空拾遺云侍臣何事辭靈陸江上微吟見雪花望闕來承丹鳳詔開門空對野人家陳琳草奏才還在王燦登樓興不賒高館更吟塵外客仍令歸路待瑤華

僧惟審



賦得聞曉鶯啼云卷簾清夢後芳樹引流鶯隔葉傳  
春意穿花送曉聲未調雲路翼空負桂林情莫盡關  
西興羈愁正厭生

別友人云一身無定處高里獨銷魂芳草迷歸路春  
衣滴泪痕幾時休旅食向夜宿江村欲識異鄉苦空  
山啼暮鴉

春日旅懷呈知己云生涯萬事有蒼蒼應任流萍便  
越鄉春水獨行人漸遠故園歸路夜空長一聲隔浦  
鴉啼夜數滴驚心淚滿裳不爲知音皆鮑叔信憑江  
上太茫茫

僧滄浩

留別嘉興知己云一座東林寺從來未下山不因尋  
長者無事到人間宿雨愁爲客寒禽散未還空懷舊  
山月童子誦經閑

此詩已載僧皎然下

僧良義

秋山峇盧鄴云風泉只向夢中聞身外無餘可寄君  
當戶一輪唯曉月挂檐數片是秋雲右張爲取此詩  
於主客齋

僧志定

唯有鐙前今夜月當時曾照墮機人句梧桐葉老蟬



聲死一夜洞庭波上風句右張為取作主客高

僧栖蟾

再宿京口院詩云灘聲依舊水溶溶岬影參差對  
梵宮楚樹七回周舊業江人兩至宿秋風蟾蜍竹老  
搖踈白齒苔池乾落謝紅多病支郎念行止曉來生  
計轉如蓬

牧童云牛得自由騎春風細雨飛青山青草裏一笛  
一簑衣日出唱歌去月明撫掌歸何人得侶爾無是  
亦無非

短歌行云蟾光堪自咲浮世懶思量身得幾時活眼

開終日忙千門無壽藥一鏡有愁霜早向塵埃外光  
陰任短長

宿巴江云江聲五千里瀉碧急於弦不覓日又夜爭  
教人少年一汀巫峽月兩岬子規天山影侶相伴濃  
遮到曉船

遊邊云邊雲四顧濃飢馬咬枯叢萬里八九月一身  
西北風戍管天正黑戰馬雪多紅昨夜東歸夢桃開  
晚色中

寄南岳元泰布衲云曹溪入室人終老甚孤群四十  
余年内青山與白雲松和巢鶴看果共野猿分海內



僧來說高名自小聞

僧曇翼

招隱詩云連峰數千里修林帶平津雲起遠山翳風  
至萸荒榛茅茨隱不見鷄鳴知有人躡蹠踐其跡處  
處見遺薪乃知百代下固有上皇民

僧清塞

贈王道士云藥丸蒼蒼鬢應非舊日身一爲高岳客  
幾葬洛陽人冰縫瓢探水雲根斧斷新關西往來孰  
誰得水銀銀

山舍秋思云一從雲水住曾不下西岑故水故園在

秋庭秋葉深泉流通并脉虫響出墻陰靜夜更聲徹  
寒燈獨自吟

早秋別盧玄休云此別經歲久唯約半夜回野渡人  
初過前山雪未開鴈群逢曉斷秋色映春來是夜蘆  
花宿巖家有釣臺

贈幻群法師云北京從別後南越幾聽砧住久白髭  
出講長黃葉深香連隣舍像磬徹遠巢禽寂寞應關  
道何人見此心

送耿逸人南歸云南行隨越僧舊業一池菱兩鬢已  
如雪五湖歸挂曾夜濤鳴柵鎖寒葦露船燈此去應



無事却來期未能

辭姚合云波濤千里隔抱疾亦相尋會宿逢高燒辭  
歸值雨淋叢葉山店迴孤燭海船深尚有重來計知  
無省閤心

早秋至郭勤書齋云暑消齒舍清閑坐有餘情石水  
生茶味秋風減扇聲遠雲收海雨靜角拚山城此地  
秋吟昔時來遶菊行

送晏上人云絕頂無禪侶長懷落髮師齋歸閉掩雪  
講徹樹生枝沙井泉燈疾秋鍾韻盡遲將行誰請住  
又爽禁城期

送康沼歸建業云南朝秋色滿歸心思何如帝業空  
城在民耕壞塚多月明臺獨上栗縱寺頻過籬下西  
江閣相思見白波

贈栢岩禪師云野寺絕依念空山曾徧行老來披衲  
重病起讀經生乞食嫌村遠尋溪愛路平多年栢岩  
住不記栢岩名

贈胡僧云瘦影無血色草履着從穿閑語侶持呪不  
眠同坐禪背經來漢地袒膊過冬天情性人難會遊  
方應信緣

贈絕粒僧云一齋難過日况復更休糧養力時行道



聞鐘不上堂唯留煨藥火不寫化金方舊有山厨在  
從僧請作房

晚秋江館云病寄西州居帶城傍門高柳一蟬鳴澄  
江月上見魚擲荒徑葉乾聞犬行越嶠夜無侵閣色  
寺鍾涼有隔原聲故園臺盡休歸空湖水秋來空自  
平

贈李道士云布褐高眠石簪春迸泉多濺黑沙巾昂  
頭說易常閑客落落手圍碁對俗人自筭天年窮甲子  
誰同雨夜守庚由擬歸太華何時去他日相逢乞藥  
銀

秋日同朱度餘懷少室舊隱云曾居少室黃河畔秋  
夢長懸未到迴扶病十年離水石思歸一夜隔風雷  
荒齋幾度曾眠起晚菊頻經塵路來燈下此心誰共  
說傍松幽徑幾多苔

宿隱靜寺云一宿五峰盃渡寺虛廊中夜磬聲分疎  
林未落上方月幽澗忽生平地雲高鳥背泉生靜景  
遠人當燭想遺文暫來此地歇勞足望斷故園滄海  
濱

湘漢懷傑公云一宿空山聽急流仍同買客坐孤舟  
遠書來隔巴陵雨雙鬢太驚彭蠡秋不擬爲身謀舊



業終求斷穀隱高丘五宗尚作無慘者中夜廢吟生  
旅愁

重陽詩云雲木踈黃秋滿川茱萸風裏一樽前幾回  
爲客逢佳節曾見何人再少年霜報征衣冷針指鴈  
驚幽隱泣雲泉古來醉樂皆難得留取窮通委上天  
師東洛人姓周氏少從浮圖法遇姚合而返初易名  
賀初與賈長江無可齊名賀哭栢岩師云林逋西風  
急松枝講抄餘凍髭亡夜剃遺偈疾時書地燥焚身  
後堂空卧影初此時頰泪下曾省到吾廬時島亦有  
詩云苔覆石床新師曾過幾春寫留行道影焚却坐

禪身塔院關松雪房廊鎖露塵有嫌雙泪下下是解  
空人時謂相伴云兩髮已垂白五湖歸釣魚句夜濤  
驚柵鎖寒葦露船燈句谷水生茶味林風滅扇聲句  
磬徹遠巢禽句伊流背行客岳響岩清猿句右張爲  
作主客圖

唐有周賀詩即清塞也

秋宿洞庭云洞庭初葉下旅客不勝愁明月天涯夜  
青山江上秋一官成白首萬里寄滄洲只被浮名繫  
寧無愧海鷗

巴陵秋思云楊州已寒色楚田方刈禾歸心病起切



敗葉夜來多細雨城蟬噪夕陽嶠客過故鄉余業在  
杳隔洞庭波

岳陽樓云平楚起寒色抄秋猶未還世情何處淡湘  
水何人閒空翠隱高鳥夕陽歸遠山孤舟萬餘里惆

悵洞庭間

三詩作  
周賀

方干滌上懷賀云枕枕忽不寐孤懷興嘆初南譙收  
舊曆上苑絕來書暝雪細聲積晨鍾寒韻疎侯門昔  
彈鋏曾共食無魚

僧無悶

暮春送人云折柳亭邊手重携江烟淡淡草萋萋杜

鵑不顧離人意更向落花枝上啼

寒林石屏云章堂無物伴身閑唯有屏風枕簟間本  
向他山求得石却於石上看它山

僧文益

看牡丹云擁毳對芳叢田來趣不同髮從今日白花  
是去年紅艷色隨朝露馨香逐晚風何須待零落然  
後始知空

觀木平和尚云木平山裏人貌古言復少相看陌路  
同論心秋月皎懷衲線非蚕助歌聲有鳥城闕今日  
來一謳會已曉



僧修睦

秋日閑居云是事不相關誰人侶此閑卷簾當白晝  
移榻對青山野鶴眠松上秋苔長雨間嶽僧頻有信  
昨日得書還

宿岳陽開元寺云竟夕凭虛檻何當與歎頻往來人  
自老今古月長新風送沉漁唱松疎露鶴身無眠鍾  
又動幾客在迷津

雪中送人北遊云然知心太速其奈雪飛頻莫咲無  
危道雖平更陷人遠郊杳接漢曠野色通秦此去迢  
迢極却回應過春

送邊將云人盡有離別而君獨無嗟言將身報國敢  
望祿榮家戰思風吹野鄉心月滿沙歸期定何日塞  
北樹無花

睡起作云長空秋雨歇睡起覺精神看水看山坐無  
名無利身偈吟諸祖意茶碾今年春此外誰相識孤  
雲到砌頻

賣松者云求利有何限將松入市來直饒人買去也  
向柳邊栽細葉猶粘雪孤根尚惹苔知君用心錯舉  
世重花開

落葉云雨過閑田地重重落盡紅翻思向春日肯信



有秋風幾處隨流水何邊亂暮空祇應松自立而不  
與君同

落花云一片又一片等閑苦面紅不能延數日開亦  
是春風公子歌聲歎詩人眼界空遙思故山下經雨  
兩三叢

題田道者院云入門空寂寂真個出家兒有行鬼不  
見無心人謂痴古岩寒栢對流水落花隨欲別一何  
懶相於所恨遲

題東林云欲去不忍去徘徊吟遶廊水光秋淡蕩僧  
好語尋常碑古苔文疊山晴鍾韻長翻思南岳上欠

此白蓮香

思齊已上人云同人與流俗相謂好襟靈有口不他  
說長年自誦經水聲秋後室山色晚來庭客問脩何  
法指松千歲青

送玄恭禪師云去去何住一盂兼一瓶水邊寒草  
白鳥外晚峰青宿處林間虎行時天有星回期誰可  
定浮世重看經

三生石云聖迹誰會得每到亦徘徊一尚不可得三  
從何處來清霄寒露滴白晝野雲隈應是表靈異凡  
情安可猜



景雲

老僧云日照西山雪老僧門始開凍瓶粘柱礎宿火  
陷爐灰童子病歸去鹿麋寒入來齋鐘知漸近枝鳥  
下生臺

溪叟云溪翁居處靜溪鳥入門飛早起釣魚太夜深  
乘月歸露香菰米熟烟煖符絲肥消洒塵埃外扁舟  
一草衣

畫松云畫松一侶真松樹且待尋思記得無曾在天  
台山上見石橋南畔第三株

岑參有偃師東與韓樽同詣景雲上人即事云山陰

老僧解榜伽頰陽歸客遠相過烟深草濕昨夜雨  
後秋風渡漕河空山終日塵事少平郊遠見行人小  
尚書磧上黃昏鐘別駕渡頭一歸鳥

唐詩紀事卷第七十六



唐詩絕事卷第七十七

僧栖一

僧可止

僧卿雲

僧處默

僧澹交

僧若虛

僧僧巒

僧曇域

僧懷楚

僧懷浦


僧慕幽

僧尚顏

僧善生

僧栖一

垓下懷古云緬想咸陽事可嗟楚詩哀怨思無涯八  
千子第歸何處萬里鴻溝屬漢家子指陣前華日月  
血流垓下定龍蛇拔山力盡烏江水今古悠悠空浪  
花武昌懷古云戰國城池盡悄然昔人遺迹遍山川





笙歌罷吹幾多日臺榭荒涼七百年蟬響夕陽風滿  
樹鴈橫秋島雨來天傷嗟世事如流水空見蘆花一  
釣船

僧可止

贈楚川長老云瘦顏顴骨見滿面雪毫垂坐石鳥疑  
死出門人謂癡照身潭入楚浸影檜生隋太白曾經  
夏清風涼四肢

哭賈島云燕生松雪地蜀死葬山根詩僻降今古官卑悞  
子孫塚欄寒月色人哭苦吟魂暮雨滴碑字年年添鮮痕  
送僧云四海無拘繫行心與自濃百年三事衲萬里

一枝筇夜減當晴影春消過雪縱白雲深處必知宿  
在何峰

寄麥積山會如長老云默然如大道塵世不相關青  
檜行時靜白雲禪處閑貧高一生行病長十年顏夏  
滿期游寺尋山又訪山

雪十二韻云落處咸過尺條然物像淒端嚴金殿上  
寒甚玉關西潤北江河普明將日月齊凌雲花頂膩  
鎖徑竹稍低出谷樵人怙歸林野鳥迷煮茶融破練  
磨黑染成衣焰鬼埋平驛和魚凍合溪入樓消酒力  
當檻寫詩題道路依憑馬朝昏委託鷄洞深俱作族



松亞鶴移栖及夏清岩穴經春溜石梯豐年兼泰國  
天道育黔黎

山居云雪消春力展花漫洞門垂果長纖枝曲崑崩  
直道移重後圍淺井闢鼠下踈籬寒食煙微有高風  
勢徹陂

僧卿雲

秋日江居閑詠去寄居江島邊閑詠見秋殘草白牛  
羊瘦風高須鳥寒檢方醫故疾拙齊備中食時復停  
書卷鋤沙種木蘭

送人游塞云去去王關路省君曾未行塞深多伏寇

時靜欲屯兵雪每先秋降花常近夏生閑陪射雕將  
應到受降城

長安言懷寄沈彬侍郎云故園黎嶺下歸路接天涯  
生作長安草勝爲邊地花鴈南飛不到書北寄來賒  
堪羨神仙客青雲早致家

舊國里云舊居黎嶺下風景近炎方地暖生春草家  
貧覺歲長石房雲過濕松逕雨餘香日夕覺無事詩  
書聊自強

僧處默

題聖果寺云路自中峰上盤廻出薜蘿到江吳地盡



隔岼越山多古木叢青靄遙天浸白波下方城郭近  
鍾磬接笙歌

山中作云蕭簾高挂枕高歌門拚垂蘿蘸碧溪閑把  
史書眠一覺起來山月過松西

螢云熠燿與娟娟池塘竹樹邊亂飛如拽火成聚却  
無烟微雨洒不滅輕風吹欲然昔時書案上類把作  
囊懸

遠烟云靄靄前山上疑光滯薜蘿高風吹不盡遠樹  
得偏多翠與晴雲合輕將淑氣和正堪流野日朱閣  
意如何

送僧遊西域云一盂兼一錫祇此度流沙野性難爲  
客禪心即是家寺投雲嶠雪路入曉天霞自說遊諸  
國回應歲月賒

憶廬山舊居云麤衣糲食老烟霞勉抱衰顏惜歲華  
獨鶴祇爲山客伴閑雲常在野僧家叢生嫩蕨沾松  
粉自落乾薪帶蘚花明月清風舊相識十年歸恨可  
能賒

題栖霞僧房云名山不取買山錢任創花宮近碧巖  
松桂老依雲裏寺樓臺深鎖洞中天風經險嶂迴踈  
雨石倚危屏掛落泉欲結茅庵共師坐肯饒多少薜



蘿煙

織婦云蓬鬢蓬門積恨多夜闌燈下不停梭成縑猶  
自陪錢納未直青樓一曲歌

僧淡交

病後作云未得身亡沐此身終未安病腸猶可洗瘦  
骨不禁寒藥少心神餌經無氣力看悠悠片雲質獨  
坐夕陽殘

寫真云面形期自見自見却傷神已是夢中夢更逢  
身外身水花凝幻質墨彩染空塵堪笑余兼爾俱爲  
未了人

効古云榮辱又榮辱一何翻與覆人生有歲中孰肯  
死前足玄鬢忽如絲青叢不再綠自古爭名徒黃金  
是誰祿

僧若虛

樂真觀云樂氏騎龍上碧天東吳遺宅尚依然悟來  
大道無多事真後丹元不直錢老樹夜風虫咬葉古  
垣春雨蘚生靴松傾烏死棄田變華表歸鄉未有年  
懷廬山舊隱云九疊嵯峨倚着天每隨寒瀑下岩烟  
深秋猿鳥來心上夜靜杉松到眼前書架想遭苔蘚  
裹石窓應被薜蘿纏一枝筇杖遊江北不見爐峰二



十年

古鏡云軒后洪爐獨鑄成  
蘇痕磨落月輪呈萬般物  
像皆能鑿一箇人心不可明  
匣內乍開鸞鳳活臺前  
高掛鬼神驚百年肝膽堪將比  
只怕頻看素髮生

僧僧繡

蜀中送人遊廬山云君遊正值芳春月  
蜀道千山皆秀發溪邊十里五里花  
雲上三峰五峰雪君上匡山  
我舊居松蘿地擲十年餘君行試到山  
前問山鳥只今相憶無

牧童云牧童見人俱不會  
墨著芒鞋難戴箠笠朝陽未

出衆山時露滴簑衣猶半濕  
二月三月時平原草初綠  
三箇五箇騎羸牛前村後村未放牧  
笛聲繞一舉衆稚齊歌舞  
看看白日又西斜各自騎牛又歸去  
逢老人云路途一老翁兩鬢白如雪  
一里二里行四回五回歇

僧曇域

宿鄭諫議山居云堂開星斗邊  
大諫採薇還禽隱石中樹  
月生池上山涼風吹詠思  
幽語隔禪關莫擬歸城計  
終防此地閑

懷齊已云鬢髯秋景兩蒼蒼  
靜對茅齋一炷香病後



身心俱澹薄老來朋友半凋傷峨眉山色侵雲直巫  
峽灘聲入夜長猶喜深交有支遁時時音信到松房  
贈島雲禪師去遠庵枯葉滿群鹿亦相隨頂骨生新  
髮庭松長舊枝禪高太白月行出祖師碑亂後潛來  
此南人總不知

僧懷楚

謝友人見訪留詩云軒車誰肯到泉石自相親暮雨  
凋殘寺秋風悵望人庭新一片葉衣故十年塵賴有  
瑤華贈清吟愈病身

送新平故人云遠聽鷓鴣思舊友又因蝴蝶夢生涯

一千餘里河連郭三十六峰寒到家陰島宜分東曉  
鴈晴樓高入上陽鴉姜原廟北與君別應咲薄寒悲  
落花

僧懷浦

贈智丹三藏云壯歲心難伏師心伏豈難尋常獨在  
院行坐不離壇嶽雪當禪瞑松聲入呪寒更因文字  
外多把史書看

初冬旅舍早懷云枕上角聲微離情未息機夢回三  
楚寺寒入五更衣月沒栖鳥動霜晴凍葉飛自慙行  
役早深與道相違



僧慕幽

冬日淮上別文上人云家國各萬里同吟六七年可  
堪隨北鴈迢迢向南天水共行人遠山將落日連春  
淮有雙鯉莫忘尺書傳

酬和友人見寄云勞歌好自看終久偶齊桓五字若  
教易一名爭得難侵窻紅樹老陰砌雪花殘莫効齊  
僚屬東歸剪釣竿

劍客云太住如何處空將一劍行殺人雖取次爲事  
愛公平戟立嗔髭鬢星流忿眼睛曉來湘市說拂署  
別遼城

柳云今古憑君一贈行幾回折盡復重生五株斜傍  
淵明宅千樹低垂大尉營臨水帶烟藏翡翠倚風兼  
雨宿流鶯隋皇堤上依依在曾惹當時歌吹聲

燈云鍾斷危樓鳥不飛熒熒何處最相宜香然水寺  
僧開卷筆寫春幃客著詩忽爾思多穿壁處偶然心  
盡斷纓時孫康勤苦誰能念少減餘光借與伊

三峽聞猿云誰向茲來不恨生聲聲聲是斷腸聲七  
千里外一家住十二峰前獨自行嶂雨晚藏神女廟  
蠻煙寒鎖夜郎城憑君且莫哀吟好會待青雲道路  
平



僧尚顏

言興云斲斲被吟牽因師買閩仙江山風月處一十  
二三年雅頌在於此浮華致邴邊猶慚功未至謾道  
近千篇

懷陸龜蒙處士云布褐東南隱相傳繼謝敷高譚夫  
子道靜看海山童事厄傷心否碁逢敵手無關中花  
數內獨不見苾芻

寄方干處士云格外綴清詩詩名獨得知閑居公道  
日醉卧牡丹時海鳥和濤望山僧帶雪期仍聞稱處  
士聖主肯相違

送陸肱入關云舟行復陸行始得到咸京准擬何人  
口吹噓六義名亂山逢減翠叢菊早含英衣錦還鄉  
日他時有此榮

早春送人歸岳陽云又食主人魚春來復舊居遠無  
千里浪輕有半船書過片晴雲淡消殘暮雪虛岳陽  
多異境搜思勿令疎

寄劉逸士云無愁無累者偶向市朝遊此後乘孤艇  
依前入亂流高眠歌聖日下釣坐清秋道不離方寸  
而能混俗求

寄陳陶處士云鍾陵城外住喻侶玉沉泥道直貧嫌



唐紀卷五十九  
九  
殺神清語亦低雪深加酒債春盡減詩題記得曾邀  
宿山茶又更携

僧善星

送玉禪師云飄然無定跡迴與律乘違入郭隨緣住  
思山破夏歸孟肇數家飯衲乞幾人衣洞了曹溪旨  
寧輸俗者機

送智光之南值雨云結東衣囊了炎州定去遊草堂  
方惜別山雨為相留又得一宵話免生千里愁莫辭  
重卜日後會必驚秋

旅中答喻軍事問客情云一自遊他國相逢少故人

縱然為客樂爭侶在家貧更恨霜侵鬢搜詩病入神  
若非憐片善誰肯問風塵


贈盧逸人云高眠若野間至藝敵應難詩苦無多首  
藥靈惟一九引泉魚落釜攀果露沾冠已得嵇康趣  
逢迎事每闌

劉夢得送舉師序云近古而降釋子以詩聞于世者  
相踵焉因定而得境故翛然以清由惠而遺辭故粹  
然以麗信禪林之矚萼而戒河之珠璣也柳儀曹謂  
文郁師背笈篋懷筆牘挾海沂江獨行山林間翛翛  
然摸狀物態搜伺隱隙登高遠望棲愴超忽游其心



以求勝語若有程督之者此一節論浮屠能誦者故載于卷末

唐詩紀事卷第七十七



唐詩紀事卷第七十八

開元宮人 楊氏女 薛彥輔 毋林氏

崔氏 劉氏 慎氏 薛媛

李季蘭 侯氏 如意中女子

魚玄機 僖宗宮人 張建封妓

女道士元淳 裴柔之 宮女

開元宮人

開元中賜邊軍纈衣製於軍中有兵士於短袍中得詩曰沙場征戍客寒苦若為眠戰袍經手作知落阿誰邊意多添線含情更着綿今生已過也重結後



生緣兵士以詩白帥帥進呈玄宗以詩通示宮中曰  
作者勿隱不汝罪也有一宮人自言萬死上深閔之  
遂以嫁得詩者謂曰吾與汝結今生緣邊人感泣

楊氏女

盈川姪女曰容華有新粧詩云宿鳥驚眠罷房櫳乘  
曉開鳳釵金作鏤鸞鏡玉爲臺粧侶臨池出人疑月  
下來自憐終不見故太復徘徊

韓彥輔母林氏

送男左貶詩云他日初投杼勤王在隱兵有辭期不  
罰積意許相仍謫宦今何在街冤猶未勝天涯分越

微驟騎速毗陵腸斷腹非苦書傳寫豈能泪添江水  
遠心劇海雲蒸明月珠難識甘泉賦可稱但將忠報  
主何懼點青蠅

彥輔開元時登進士第

右按薛播伯父元駿終於隰城丞其妻濟南林氏丹  
陽太守洋之妹善屬文有子彥輔彥國彥儒彥雲及  
播兄據總並早孤悉爲林氏訓導立名開元天寶間  
彥輔劇等七人並舉進士連中科名衣冠榮之

崔氏

盧校書年暮取崔氏結褵之後爲詩曰不怨盧郎年



紀大不怨盧郎官職卑自恨妾身生校晚不及盧郎年少時

劉氏或云趙氏

杜羔不第將至家其妻劉氏先寄詩云良人的的有奇才何事年年被放回如今妻面羞君面君到來時近夜來羔即迴尋登第又寄詩云長安此去無多地鬱鬱葱葱佳氣浮良人得意正少年今夜醉眠何處樓雜言寄杜羔云君從淮海遊再過杜蘭秋歸來不須更又欲向梁州梁州秦嶺西棧道與雲齊羌虜萬餘落戟矛自高低已念寡儔侶復慮勞攀躋丈夫重志

氣女兒空悲啼臨叩滯遊地肯顧濁水泥人生賦命有厚薄君自遨遊我寂寞羔登貞元年進士第終工部尚書贈右僕射制云生於士族蘊為公器敦厚孝友本乎天性文學政事出於餘力自立朝右藹然素風司諫平刑駁諍廉問凡所踐歷不懈于位以年致政以疾就第出處進退皆叶時中白樂天之詞也羔有詩墮李益門羔有至性父死河北母不知所之羔憂號終日後竟得其母又不知其父墓處復得其墓於佛相柱上後歷振武節度使

慎氏



毗陵慎氏三史嚴灌夫之妻以無子被出有詩曰當時心事已相關雨散雲收一餉間便是孤帆從此去不堪重過望夫山遂如初  
雲溪友議

### 薛媛

濠梁南楚材旅遊陳穎受穎牧之眷無返舊意其妻薛媛寫真寄之曰欲下丹青筆先拈寶鏡端已驚顏索寞漸覺鬢凋殘泪眼描將易愁腸寫出難恐君渾忘却時展畫看夫婦遂偕老焉  
雲溪友議

時人朝之曰當時婦弃夫今日夫弃婦若不逞丹青空房應獨守

### 李季蘭

三峽流泉歌云妻家本住巫山雲巫山流水常自聞玉琴奏出轉寥寥直侶當時夢中聽三峽迢迢幾千里一時流入幽閨裏巨石崩崖指下生飛浪遠波絃中起初疑噴怒含雷風復侶嗚咽流不通迴湍曲瀨意將盡時復滴瀝平沙中憶昔元公爲此曲能使仲容聽不足一彈旣畢還一彈願比流泉鎮相續

寄韓校書云無事烏程縣蹉跎歲月餘不知蘭閣吏寂寞意何如遠水浮仙棹寒星伴使車因過大雷岸莫忘八行書



結素魚貽友人云尺素如殘雪結爲雙鯉魚欲知心裏事看取腹中書

得閻伯鈞書云情來對鏡懶梳頭暮雨蕭蕭庭樹秋莫恠欄杆垂玉筋只緣惆悵對銀鈎

送韓撥之江西云相看指楊柳別恨轉依依萬里江西水孤舟何處歸益城潮不到夏日信應稀唯有衡陽鴈年年來去飛

李蘭五六歲其父抱於庭作詩詠薔薇云經時未架却心緒亂縱橫父恚曰此必爲夫行婦也後竟如其言

高仲武云士有百年女有四德李蘭則不然形器旣雄詩意亦蕩自鮑昭已下罕有其倫如遠水浮仙棹寒星伴使車此五言之嘉境也上方班婕妤則不足下比韓英則有餘不以遲暮亦一俊嫗

劉長卿謂李蘭爲女中詩豪

侯氏

會昌中邊將張睽防戎十年餘其妻侯氏綉迴文作龜形詩詣闕進之詩云睽離已是十秋強對鏡那堪重理粧聞鴈幾回修尺素見霜先爲製衣裳開箱疊練先垂泪拂杵調砧更斷腸綉作龜形獻天子願教



征客早還鄉侯氏賜綰三百疋以彰才美出杼情詩

如意中女子

如意中女子年九歲能吟詩則天試之皆應聲而就其兄辭去則天令作詩送允遂賦云別路雲愁起離亭葉正稀所嗟人異鴈不作一行飛出唐宋遺史

裴柔之

元微之自會稽拜尚書右丞到京未踰月出鎮武昌裴夫人柔之難之曰歲杪到家鄉先春又赴任鎮即贈詩曰窮冬到鄉國正歲別京華自恨風塵眼嘗看遠地華碧幢還照曜紅粉莫咨嗟嫁得浮雲婿相隨

即是家

柔之荅曰候門初擁節御苑柳絲新不是悲殊命唯愁別是親黃鶯遷古木珠履從清塵想到千山外滄江正暮春

魚玄機

臨江樹云草色連荒岬烟姿入遠樓葉鋪秋水百花落釣人頭根老藏魚窟枝低拂客舟一作傍蕭蕭風雨夜驚夢復添愁

玄機咸通中西京咸宜觀女道士也字幼微善屬文其詩有綺陌春望遠瑤徽春興多又殷勤不得語紅



汨一雙流又焚香登王壇端簡禮金闕又雲情自鬱  
爭同夢仙貌長芳又勝花後以管殺女童綵翹事下  
獄獄中有詩云易求無價寶難得有情夫又云明月  
照幽隙清風開短襟

僖宗宮人

唐僖宗自內出袍千領賜塞外吏士神策軍馬真於  
袍中得金鎖一枚詩二首云玉燭製袍夜金刀呵手  
裁鎖寄千里客鎖心終不開真就市貨鎖爲人所告  
主將得其詩奏聞僖宗令赴闕以宮人妻真後僖宗  
幸蜀真晝夜不解衣前後捍禦

張建封妓

樂天有和燕子樓詩其序云徐州張尚書有愛妓  
眡善歌舞雅多風態爲校書郎時遊淮泗間張尚書  
宴于酒酣出眡眡佐歡予因贈詩落句云醉嬌聲不  
得風媚牡丹花一歡而去爾後絕不復知茲一紀矣  
昨日司勳員外郎張仲素繪之訪余因吟詩新有燕  
子樓詩三首辭甚婉麗詰其由乃眡眡所作也繪之  
從事武寧累年頗知眡眡始末云張尚書旣歿彭城  
有張氏舊第中有小樓名燕子眡眡念舊愛而不嫁  
居是樓十餘年于今尚在眡眡詩云樓上殘燈伴曉



唐紀卷七十一  
霜獨眠人起合歡床相思一夜情多少地角天涯不  
是長又云北印松栢鎖愁烟燕子樓人思悄然自埋  
劍履歌塵散紅袖香銷一十年又云適看鴻鴈岳陽  
迴又覩玄禽遍社來瑤瑟玉蕭無意緒任從蛛網任  
從灰

余嘗愛其新作乃和之云滿窗明月滿簾霜被冷燈  
殘拂卧床燕子樓中寒月夜愁來祇爲一人長

細帶羅衫色似烟幾回欲起即潸然自從不舞霓裳  
袖疊在空箱二十年

今春有客洛陽回曾到尚書墓上來見說白楊堪

作柱忍教紅粉不成灰

又贈之絕句黃金不借賣娥眉棟得如花四五枝歌  
舞教成心力盡一朝身去不相隨後仲素以余詩示  
眇眇乃反覆讀之泣曰自公薨背妾非不能死恐百  
載之後人以我公重色有從死之妾是玷我公清範  
也所以偷生爾乃和白公詩云自守空樓歛恨眉形  
同春後牡丹枝舍人不會人深意評道泉臺不空隨  
眇眇得詩後徃徃旬日不食而卒但吟詩云兒童不  
識冲天物謾把青泥污雪毫出長慶集

宮女



天寶末宮娥衰悴不願僉宮掖有落葉題詩隨御水  
而流云舊寵悲秋扇新恩寄早春聊題一紅葉將寄  
接流人顧况聞而和之云愁見鶯啼柳絮飛上陽宮  
女斷腸時君恩不禁東流水葉上題詩寄與誰既達  
宸聰由是遣出禁中者有五使之號焉宣宗朝又有  
題紅葉隨流者為盧渢得之詩曰水流何太急深宮  
盡日閑殷勤謝紅葉好本到人間

女道士元淳

寄洛中諸姊云舊國經年別關河萬里思題詩憑鴈  
翼望月想娥眉白髮愁偏覺歸心夢獨知誰憑離亂

處掩泣向南枝

唐詩紀事卷第七十八



唐詩紀事卷第七十九

張夫人

崔仲容

女郎張琰

女郎崔公達

女郎宋若昭

女郎宋若荀

女郎田峨

女郎劉雲

薛濤

女郎葛鵝兒

女郎張文姬

鮑君微

女郎張窈窕

倡妓常皓

女郎蔣蘊

女郎劉媛

廉氏

彭仇妻

程長文

尼海印

孫氏

鸞鸞


非烟

徐月英

張夫人

吉中孚  
侍郎妻

拜新月云拜新月拜月出堂前暗魄深籠桂虛弓未  
引絃拜新月拜月粧樓上鸞鏡未安臺娥眉已相向





拜新月拜月不勝情  
庭前風露清月臨人自老  
望月更長生東家阿母亦拜月  
一拜一悲聲斷絕昔年拜月  
逞容儀如今拜月雙淚垂  
回看衆女拜新月却憶紅  
閨年少時

崔仲容

贈所思云所居幸接隣  
相見不相親一侶雲間月  
何殊鏡裏人丹誠空有恨  
腸斷不經春愿作樑間燕  
無由變此身

戲贈云暫到崑崙未得歸  
阮郎何事教人非如今身  
佩上清籙莫遺落花占羽衣

贈歌妓云水剪雙眸霧剪衣  
當筵一曲媚春輝  
瀟湘夜色怨猶在巫峽曉  
雲愁不稀皓齒乍分寒玉  
細黛眉輕蹙遠山微渭陽  
朝雨休重唱滿眼陽關客  
未歸

女郎張琰

春詞云垂柳鳴黃鸝  
聞關若求友春晴不可耐  
愁殺閨中婦日暮登高樓  
誰憐小垂手昨日桃花飛  
今日梨花吐春色能幾時  
那堪正愁緒蕩子遊不歸  
春來淚如雨

女郎崔公達

獨夜詞云晴天霜落寒風急  
錦帳羅幃羞更入  
綦箏



不復斷續絃回身掩淚挑燈立

女郎宋若昭

和御製麟德殿宴百僚云垂衣臨八極肅穆四門通  
自是無爲化非關輔弼功修文招隱伏尚武殄妖兇  
德炳韶光熾恩沾雨露濃衣冠陪御宴禮樂盛朝宗  
萬壽稱觴舉千官信一同

若昭貝州人父廷芬生五女皆警慧善屬文長若華  
次若昭若倫若憲若荀若昭文尤高皆性素潔鄙薰  
澤靚粧不願歸人欲以學名家家亦不欲與寒鄉凡  
裔爲姻對貞元中若義節度使李抱真表其才德宗

召入禁中試文章并問經史大義帝咨美悉留宮中  
帝能詩每與侍臣賡和五人者皆預又高其風操不  
以妾侍命之呼學士自貞元七年秘禁圖籍詔若華  
總領元和末卒後穆宗拜若昭尚宮嗣其秩歷穆恭  
文三朝皆呼先生若憲文宗時以讒死倫荀早卒廷  
芬男獨愚不可教嗚呼終身

女郎宋若荀

和御製麟德殿宴百僚云端拱承休命時清荷聖皇  
四聰聞受諫五服遠朝王景媚鴛初囀春殘日更長  
命筵多濟濟盛樂復鏘鏘誰將敵潢汾未可方



愿齊山嶽壽祉福永無疆

女郎田娥

寄遠云憶昨會詩酒終日相逢迎今來成故事歲月令驚  
泪流紅粉簿風度羅衣輕難爲子猷忘虛負文君名

女郎劉雲

有所思云朝亦有所思暮亦有所思登樓望君處靄  
靄簫關道掩淚向浮雲誰知妾懷抱玉井蒼苔春院  
深桐花落盡無人掃

薛濤

罰赴邊有懷上韋相公云聞道邊城苦而今到始知

却將門下曲唱與隴頭兒元微之贈濤詩因寄舊詩

與之云詩篇調態人皆有細膩風光我獨知月夜詠

花憐暗淡雨朝題柳爲歌垂長教碧玉藏深處總向

紅牋寫自隨老大不能收拾得與君開似教男兒

濤好製小詩惜其幅大狹小之蜀中號薛濤牋或兒

營妓無校書之號韋南康欲奏之而罷後遂呼之胡

曾詩曰萬里樓臺女校書琵琶花下閉門居掃眉才

子知多少管領春風總不如進士楊蘊中下成都獄

夢一婦人曰吾薛也贈詩云玉漏深長燈耿耿東墻

西墻時見影月明窗外子規啼忍使孤魂愁夜求



女郎葛鵝兒

懷良人云蓬鬢荆釵世所稀布裙猶是嫁時衣胡麻  
好種無人種正是歸時不見歸

河北士人間亦有之未知孰是

女郎張文姬

溪口雲云一片溪口雲纔向溪中吐不復歸溪中還  
作溪中雨

沙上鷺云沙頭一水禽鼓翼揚清音只待高風使非  
無雲漢心

鮑君徽

閑宵對月茶宴云閑朝向晚出簾櫳茗宴高亭四望

通遠眺城池山色裏俯聆絃管水聲中幽篁映沼新  
抽翠芳桂低簷斫吹紅坐久此中無限興更憐團扇  
起清風

女郎張窈窕

寄故人云淡淡春風花落時不堪愁望更相思無金  
可買長門賦有恨空吟團扇時

窈窕居於蜀當時詩人雅相推重有上城都在事詩  
曰昨日賣衣裳今日賣衣裳渾身盡是羞見嫁時

箱有賣愁仍緩無時心轉傷故園有虜隔何處事秦萊

倡妓常浩



贈盧夫人云佳人借顏色恐逐芳菲歎日暮作畫堂  
下塔見新月拜月仍有詞傍人那得知歸取玉臺下  
始覺泪痕垂

女郎蔣蘊

步轉

一作蘊

贈鄭女郎古意云昨夜巫山中失却陽臺女朝來香  
閣裏獨伴楚王語艷陽灼灼河洛神珠簾綉戶清樓  
春能彈箜篌弄纖指愁殺門外少年子笑開一面紅  
粉粧東園幾處桃花死朝理曲暮理曲獨坐窓前一  
片玉行也嬌坐也嬌見之令人魂魄銷堂前錦褥紅  
地鑑綠沉香榼傾屠蘇解佩時時歇歌管芙蓉帳裏

蘭麝滿晚起羅衣香不斷滅燭每嫌秋夜短

女郎劉媛

長門怨云雨梧桐秋夜長愁心和雨到昭陽泪痕不  
學君恩斷拭却千行更萬行

又云學畫娥眉獨出群當時人道便承恩經年不見  
君王面花落盡昏空掩門

女郎廉氏

峽中卽事云清秋三峽此中去鳴鳥孤猿不可聞一  
道水聲多亂石四時天色少晴雲日暮泛舟溪澗口  
那堪夜不思氛氲



彭伉妻

彭伉評事宜陽微君之孫及第後、西廉使于公、  
辟入幕歲久未回妻張氏寄二絕其一云久無音信  
到羅幃路遠迢迢遣問誰問君折得東堂桂折罷那  
能不暫歸其二云驛使今朝過五湖殷勤爲我報狂  
夫從來誇有龍泉劍試割相思得斷無

彭伉始以詩寄之曰莫訝相如獻賦遲錦書誰道泪  
沾衣不須化作山頭石待秋東堂樹枝

程長文

書情上使君云妾家今住鄱陽曲一片堅心比孤竹

當年二八盛容儀紅牋草隸恰如飛盡日閑窗刺綉  
坐有時極浦採蓮歸誰道居貧守都邑幽居寂寞無  
人入海鷺朝歸枕席寒山花落塔墀濕強暴之男  
何所爲手持白刃向簾幃一命任從刀下死千金豈  
受閨中欺我心匪石情難轉志奪秋霜意不移血殘  
羅衣終不恨瘡粘錦綉亦何辭縣僚曾未知情緒即  
便教人繫囹圄朱唇滴瀝獨銜冤王筋闌干歎非所  
十月寒更堪思人一聞擊柝一傷神高髻不梳雲已  
散娥眉罷掃月仍新三尺巖章難可越百年心事向  
誰說但着洗雪出園扉始信白玉無點缺



尼海印

蜀悲光寺尼海印唐末人才思清峻有舟夜一章云  
水色連天色風聲益浪聲旅人歸思苦漁叟夢魂驚  
舉棹雲先到移舟月逐行旋吟詩句罷猶見遠山橫

孫氏

進士孟昌期之妻也代夫作白臘燭詩贈人云景勝  
銀缸香比蘭一條白玉偏人寒他時紫禁春風夜醉  
草天書仔細看

又琴詩云玉指朱絃軋復清相妃愁怨最難聽初疑  
颼颼涼風勁又似蕭蕭暮雨零近若流泉來碧嶂遠  
如玄鶴下青冥夜深彈罷堪惆悵霧濕叢蘭月滿庭  
謝人送酒云謝將清酒寄愁人澄澈甘香氣味真好  
是綠窻風月夜一盃搖蕩滿懷春三詩皆代夫之作  
一旦曰才思非婦人之事也併焚其集

鷓鴣

鷓鴣姓崔氏有張生者託其婢紅娘以春詞二篇誘  
之崔荅曰待月西廂下迎風戶半開拂墻花影動疑  
是故人來張喜其意既退而別崔命瑟鼓霓裳羽衣  
之曲張文戰不利崔貽書以廣其意又有竹茶碾亂  
絲之贈曰泪痕在竹愁緒縈絲因物達情求以為好



楊巨源元稹善張生見其書歎賞之巨源賦崔娘一篇云清閨潘郎王不如中庭蕙草雪鋪初風流才子多春思腸斷蕭娘一劄書元稹亦續生會真詩三十韻張後以爲妖於身也絕之旣而淫其所居崔潛寄一詩云自從消瘦減容允萬轉千回懶下床不爲傍人羞不起因郎憔悴却羞郎

張將行賦一章以絕之云棄置今何道當時且自親還將舊來意憐取眼前人自是遂絕

非烟

臨淮武公叢任河南參軍有愛妾非烟姓步氏善文

章工擊甌北隣有趙子以詩誘之曰一靚傾城貌塵心只自猜不隨蕭史太擬學阿蘭來非烟荅曰綠慘嬌娥不自持只緣憂恨在新詩郎心應侶琴心怨脉脉春情更付誰趙又曰珍重佳人惠好音綵牋花翰兩情深薄於蟬翼誰供眼密侶蠅頭未寫心疑是落花還碧洞又思輕雨滿幽襟百回消息千回夢裁作長謠寄綠琴非烟偶病旬日方荅之云無力嚴粧倚綉籠聊題蟬錦思無窮以連蟬錦香囊贈趙近來羸得傷春病柳弱花欹怯晚風後乃踰垣相從趙有十洞三清難阻路有心還得傍瑤臺之句非烟荅曰相思何侶不



相識相見還將却別君公叢後知筆殺之趙竄於江  
淮公業鹿悍故非烟有煤  
時所欺四合續類之語

徐月英

月英江淮間娼也送人詩云惆悵人間萬事違兩人  
同去一人歸生憎平望亭前水忍照鴛鴦相背飛又  
云枕前泪與堦前水隔箇關窻滴到明亦有詩集行  
于世

唐詩紀事卷第七十九

唐詩紀事卷第八十

河北人

不知名

僕

新羅王

楊彥鯤

不知名

權龍褒

河北士人

朱滔以士族應募問一士人所業曰學為詩有妻乎  
曰有之令作寄內詩即曰握筆題詩易荷戈征戍難  
慣從鴛被暖怯太鴈門寒瘦盡寬衣帶題多漬枕檀  
試留青黛着盡日畫眉看又令代妻答曰蓬鬢荆釵  
世所稀布裙還是嫁時衣胡麻好種無人種正是歸  
時不見歸出本  
事詩



不知名

江陵有士子遊交廣五年未還愛姬爲太守所取納  
於高麗坊底及歸寄詩曰陰雲幕幕下陽臺惹着襄  
王更不迴五度看花空有泪一心如結不曾開織羅  
自合依芳樹覆水寧思返舊杯惆悵高麗坊底宅春  
光無復下山來宇逐遺還有爲御史分務洛京者其  
愛姬爲逢吉一閱遂不復出明日以詩投之云三山  
不見海沉沉豈有仙縱尚可尋青鳥太時雲路斷端  
娥歸處月宮深紗窻暗想春相憶書悵誰憐夜獨吟  
料得此時天上月只應偏照兩人心李得詩含咲曰

大好詩逐絕

唐人及第後或遇舊題名處即加前字故詩曰曾題

名處加前字送出城人乞舊詩

姚合及第後詩曰新街添一字舊友讓前途

長安木塔院有進士房曾題名處有人題詩曰姚

家新壻是房郎未解芳顏意欲狂見說正調穿羽箭

莫交射破寺家墻丹陽焦山瘞鶴銘傍小碣刻詩云

江外水不凍今年寒苦遲三山在何許欲到引風歸

后題云丹陽掾王瓚作後復得小石云縱步不知遠

夕陽猶未回好花隨處發流水趁人來不知誰爲之

傳聞天子訪沉淪萬里懷書西入秦早知不用無媒



客恨別江南楊柳春

顧陶類詩云不知名氏

僕

咸陽郭氏之僕捧劍者有詩曰青鳥嚙蒲萄飛上金井攔美人恐驚公不敢捲簾看

又題牡丹云一種芳非出後庭却輸桃李得佳名誰能為向天人說從此移根近太清後耻為奴隸逃走有詩曰珍重郭四郎臨行不得別曉漏動離心輕車冒殘雪欲出主人門零涕暗嗚咽萬里隔關山一心思漢月京兆司錄全曉迷此事以語李蹊雲漢友議孫愿唐貞元已後三代為池陽刺史有戟門門子朱

元迎道左獻詩曰昔日郎君今刺史朱元依舊守朱門今朝行馬諸童子盡是當時竹馬孫

新羅主

太宗立新羅主善德妹直德為王永徽元年直德大破百濟之衆遣其弟泐敏以聞真德乃織錦作五言太平頌以獻之其詞曰大唐開洪業巍巍皇猷昌止戈戎衣定脩文繼百王統天崇雨施利物休含章深仁諧日月撫運邁唐幡旗何赫赫鉦鼓有鐙鐙外夷違命者剪覆被天殃淳風疑幽顯遐邇競呈祥回時和王燭七耀巡萬方維岳降宰輔維帝任忠良五



言言自辨  
掩頭而走司馬大師詩話

平曾獻金陵收薛大夫白馬詩曰白馬披絲練一團今朝  
被絆欲行難雪中放去惟留迹月下牽來只見鞍向北  
長鳴天外遠臨風斜墜耳邊寒自知毛骨還應異更請  
王郎仔細看特以獻詩為薛所留雲溪友議

劇燕蒲坂人工為雅正詩王仲榮鎮河中府燕投詩曰只  
向國門安四海不離鄉里拜三公榮禮重之為人縱誕  
多凌轢同輩果取正平之禍據言

愿唐正元之後三代為池陽刺史有戟門子朱元迎於  
道左獻詩曰昔日郎君今刺史朱元依舊守朱門今朝  
竹馬兒童子盡是當時竹馬孫郡閣野談

羅隱嘗以詩投鄭畋相國鄭有女喜詩什讀隱詩至張華  
謾出如舟語不及劉侯一紙書大愛其才隱一日至畋  
女於簾隙見其汚陋遂不復詠其詩鑑戒錄

令孤楚自翰林學士中書舍人拜相余絢自湖州召充翰  
林學士周歲拜相渭南尉趙假獻詩云鷄在卿雲冰在  
壺代天材業奉訐謀榮固伊陵傳朱戶秀比王商入畫  
圖昨夜星辰回劍履前年風月滿江湖不知機務時多  
暇猶許詩家屬和無廣卓異記及見寄贈門

吳士矩牧大郡因時相論置軍倅飲後獻詩曰一女心期  
一種歡那知踈散負杯盤尊前數片朝雲在不許馮公  
仔細看商部新書



粉靨遺蕭郎問泪痕

鶯啼露冷酒初醒  
畫樓西曉角鳴翠羽  
帳中人夢覺寶釵斜墜枕函聲

行人南北分征路  
流水東西接御溝  
日日波前怨離別  
謾名長樂是長愁

偏倚綉床愁不起  
雙垂玉筋翠環低  
卷簾相待無消息  
夜合花開日又西

悔將泪眼向東開  
特地愁從望裏來  
三十六峰猶不見  
况伊如燕這身裁

滿目笙歌一段空  
萬般離恨總隨風  
多情爲謝殘陽

意與展晴霞片片紅

兩心不語暗知情  
燈下裁縫月下行  
行到塔前知未睡  
夜深聞放剪刀聲

六言詩云把酒留君聽琴  
那堪歲暮離心  
霜葉無風自落  
秋天不雨多陰  
人愁荒村路遠  
馬怯寒溪水深  
望盡清山猶在  
不知何處相尋

美人騎馬云駿馬  
嬌仍穩春風  
霸岬晴促來  
金蹬短扶上  
玉人輕帽束雲鬟  
亂鞭籠翠袖  
明不知從此去  
何處更傾城

乾符末有客訪僧  
僧却之題門而云  
龕龍公東海



時日隱西斜敬文今不在碎石入流沙忽一僧曰大罵我曹乃合寺苟卒四字

鴈塔詩云漢國山河在秦陵草樹深暮雲千里色何處不傷心傍書云荆叔偶題不知何人也

盧常侍牧章江一曹生令為從事曹悅營妓丹霞盧不許會餞朝客曹有詩曰拜玉亭前閑送客此時孤恨感離鄉尋思往歲絕纓事肯向朱門泣夜長盧演為長句云棗扈交暉百廿忙祖亭同樂陪思鄉樽前有恨同卑宦席上無聊發靚粧莫與狂花迷眼界須求真理定心王遊蜂採掇何時已却恐多言議短長

令丹霞改令罰曹丹霞乃號之為怨胡天以曹狀類胡蒲座大笑盧因目丹霞為怨胡婦盧氏子失弟徒步及都城門來寒甚有一人續至附火吟曰學織綾綾功未多亂拈機杼錯拋梭莫教宮錦行家見把此文章笑殺他遂云如今不重文章士莫把文章誇向人盧愕然以為樂天詩問姓名曰姓李世織綾錦前屬東都宮錦坊宮錦巧兒以薄妓投本行皆云如今花樣與前不同不謂伎倆兒以文彩求售者不重於世且東歸太

權龍褒



景龍中爲左武將軍好賦 詩而不知聲律中宗與  
學士賦詩輒自預焉帝戲呼爲權學士初以親累遠  
貶泊歸獻詩云龍褒有何罪天恩放嶺南勅知無罪  
過追來與將軍上大笑常吟夏日詩嚴雪白皓皓明  
日赤團團或曰豈是夏景答曰赴韻而已通天中刺  
滄洲初到呈同官曰遙看滄洲城楊柳鬱青青中央  
一群漢聚坐打杯角諸公謝曰公有逸才曰不敢赴  
韻而已常作秋日休懷詩曰簷前飛七百雪白後園  
疆飽食房裏側家糞集野狼參軍不曉問之權曰鷓  
子簷前飛直七百洗衫掛後園白如雪飽食房中側

臥家裏便轉集得野澤蟋蟀聞者嗤之始賦夏日嚴  
霜明月之句乃皇太子宴賦詩太子援筆譏之曰龍  
褒才子秦州人士明月晝耀嚴雪夏起如此詩草赴  
韻而已

龍褒爲瀛洲刺史歲暮京州人附書云改年多感乃  
將書呈判司以下云有司改年爲多感元年一日謂  
府吏何名私忌對曰父母忌日請假偶房中靜坐有  
青狗突入大怒曰衝破我忌更牒改到明日好作忌  
日談者笑之



唐詩紀事卷第八十

唐詩紀事卷第八十一

毛仙翁贈行詩

裴度云爰自荊州鼎成黃金道息封固真粹教不流  
傳代歷秦漢言者恠濶先儒以爲繫風捕影誰抵其  
實琅邪論衡詳之矣予嘗以爲斯言之未盡其臧否  
也及見仙翁勃遠前聞且畜神胎元抱和含真默然  
道風煦然如春追柱稭色將數百歲光陰自駛寒暑  
不易鑪鎚之間物無不化養之在我得之自然加以  
熊經鳥伸玄藏城府閉合默識孰窺崇墉當今勢位  
壓山河器業橫履載皆面嚮傾就誠屈乎辭度不知



先儒誰談其無乎得食馬肝者豈爲知味耶啻鬼神者易爲工耶不復知總總化昭而已仙翁將去追遺雲縱苟非造物者不能以識裴度述

僧孺云僧孺見仙翁兄深仰其爲真人也僧孺讀史傳嘗病仙者能上升鄙見也斯不然僧孺聞胡國西胡法至其將歿之日必大會族黨州里衆其人齋其食人則飄飄而發地焉數百里外而墜窮谷中國中人咸謂曰化予焉知非胡國之幻乎今兄不離世間而出世間浩蕩平嗜慾之境蹂躪乎人情之圃三事五侯躬擁篲于門獲禮仙翁者爲榮不獲禮爲辱况

雙眸昷然紅膚若花迅駭無羈踈步飄飄然予安謂其非至人乎昔昌黎韓公侍郎掌國裴李二相府皆命世之大賢與兄文字不日師則曰丈予又焉測兄之壽耶嵇君著養生一篇以中才用心養其性命斯爲勝矣腥者吾食諸稔者吾食諸僉於我者食諸又不測兄之立妙也至於煑鍊金石妙至先覺若指乎掌不爲能事賄利軒冕故無不明於心劉郎之骨非凡目所測大和三年秋九月偶拜遇兄於夏口眷予塵俗授之玄記又約僧孺爲道第所訝真步超遙白雲無繁要他日爲拜會之資僧孺抽毫以叙離恨題



文曰別志且用契異時之語焉

李翱云紫霄仙客下三山因救生靈到世間龜鶴計年承甲子冰霜爲質駐童顏韜戲休咎傳真錄變化榮枯試小還從此更教塵骨貴九霄雲路願追攀

令狐楚云宣州渾是上清宮客有真人貌似童紺髮垂纓光鬣髯細髯綠領綠茸葺壺中藥物梯霞訣肘後方書縮地功既許焚香爲弟子願教年紀共椿同

李程云茫茫塵累愧腥膻強把蜉蝣望列仙閑指紫霄峰下路却歸白鹿洞中天吹簫鳳上經何代茹玉

得幾年他日更來人世看又應東海變桑田

李玄閔云不知仙客占青春肌膚纔教稱兩句俗眼

暫驚相見日疑心未測幾時人閑推甲子經何代笑

說浮生老此身殘藥儻能沾朽質願將霄漢末爲憐

韓愈云仙翁姓毛氏名于姬與韓爲族愈末年爲弟

也相識於湖陽逆旅叙宗馬察其言不由乎孔聖道

不由乎老莊教而以惠性知人爵祿厚薄壽命長短

發言如駛駟嘖嘖持疑於唇吻問即信乎異人也若

古之許負輩不足言哉然凡言果有證期愈自與袁

州從袁州除國子祭酒後主兵部事續拜京兆尹又



改吏部郎中若如言即掃廳屋候兄一日勸笑質亦  
不朽之名也酒酣留詞走筆而成不能采其文章之  
要也時元和十四年己亥四月十六日族弟門人韓  
愈序

崔郾云存亡太住一壺中先事安期第葛洪甲子已  
過千歲鶴儀容方稱十年童心靈暗合行人數藥力  
潜均造化功終待此身無繫累武陵山下等黃公  
王起云冰霜肌骨稱童年羽駕何由到俗間丹竈化  
金留秘訣仙宮嗽玉叩玄關壺中世界青天近洞裏  
烟霞白日閑若許隨師去塵網願陪鸞鶴向三山

李益云玉潤溶七仙氣深含光混俗似無心長愁忽  
作鶴飛去一片孤雲何處尋

鄭幹云至道無名至人長生爰觀繪事似挹真形方  
口渥丹濃眉刷青松姿本秀鶴質自輕道德神仙內  
蘊心靈紅肌綠髮外彰華清色如含芳貌若和允胚  
渾造化吐納陰陽吾聞安期隱見不常或在世間或  
遊上蒼猗歟真人得非後身寫此仙骨久而不磷皎  
皎明眸瞭然如新藹藹童顏的然如春金石可並丹  
青不泯通天臺上有見常人俗士觀瞻方悟出塵君  
子圖之敬兮如神



楊於陵云先生赤松侶昆俗遊人間崑闔無窮路何  
時下故山千年猶孺質秘術救塵寰莫便冲天去雲  
雷不可攀

楊嗣復云天上玉郎騎白鶴肘後金壺成妙藥暫遊  
下界傲五侯重看當時舊城郭羽衣茸茸輕似雪雲  
上雙童持絳節王母親縫紫錦囊令向懷中藏秘訣  
令威子晉皆儔侶東嶽同尋太真女搜奇綴韻和陽  
春文章不是人間語藥成目固黃金骨天地齊分身  
不歿日月宮中便是家下視崑崙何突兀童姿玉貌  
誰方比互髮綠鬢先彌彌滿朝將相門弟子隨師盡

願拋塵滓九轉琅玕必有餘願乞刀圭救生死

元稹云余廉問浙東歲毛仙翁惠然來顧越之人士  
識之者相與言曰仙翁嘗與葉法善吳筠遊於稽山  
迨茲多歷年所而風貌愈少益神仙者也余因得執  
弟子之禮師其道焉余嘗見圓冠方領之士讀道書  
疑其絕聖智弃仁人謂斯書不足以經世理國殊不  
知至人無兼受智人又無裁非大樂同天地之和大  
礼同天地之節其可臻乎上德宜乎大道之致萃昏  
終北之化熙熙然也又以徐市文成之事謂方士之  
流誕妄於世不足以爲教也殊不知峒山高卧汾水



疑神怡心傲世藐然物外至五侯不可得師友也若  
然則徐市之莠不足以害嘉穀文成之誕不足以停  
大教今我仙翁真風遺骨玄格高情冥鴻孤鶴不可  
方喻蓋峒山汾水之儔也一言上道合止于山亭三  
日而南樓天台謂余曰入相之年相侯於安仁里余  
拜而言曰果如仙約燃香拂榻以俟雲駕焉杼詩一  
章以爲他日之志也

仙駕初從蓬塢來相逢又說向天台一言親授希微  
訣三夕同傾沆瀣杯此日臨風飄羽衛他年嘉約落  
鹽梅花前揮手超遙去目斷霓旌不可陪

沈傳師云安期何事出雲烟爲把仙方與世傳只向  
人間稱百歲誰知洞裏過千年青牛到日迎方朔丹  
竈開時共稚川更說桃源更深處異花長占四時天  
崔元略云莫將凡聖比雲泥椿菌之年本不齊度世  
無勞大稻米昇天只用半刀圭人間嗟對黃昏槿海  
上閑聽碧落鷄旌節行中令引道便從塵外蹈丹梯  
柳公綽云桃源千里遠花洞四時春中有含真客長  
爲不死人松高枝葉茂鶴老羽毛新莫遣同籬槿朝  
榮暮化塵

白居易云仙翁已得道混跡尋岩泉肌膚冰雪淨衣



服雲霞鮮紺髮綠並緻齟容花共妍方瞳點玄漆高  
步凌非烟幾見乘田變莫知龜鶴年所憇九霄外所  
遊五嶽巔軒昊舊爲侶松喬難比肩每嗟人世人役  
役如狂顛孰能脫羈鞅盡遭利名牽貌隨歲華換神  
逐光陰遷唯余負憂譴憔悴益江壩衰鬢忽霜白愁  
腸如火煎羈旅坐多感徘徊私自憐睛眊五老峰王  
洞多神仙何當憫湮厄授道安虛辱我師惠然來論  
道窮重玄浩蕩八溟濶志泰心超然形骸得無束得  
喪亦都捐豈識椿菌異鄉知鵬鷖玄丹萃旣相付促  
景定當延玄功曷可報感極唯擎拳霓旌不可駐又

歸語罷

倏然別孤鶴

遙天賦詩叙明德未

續步虛編

李紳云憶惜我祖神仙王玄元皇帝周柱史曾師軒  
黃友堯湯混跡和允佐周武周之天子無仙氣成武  
康昭都督爾穆王粗識神仙事八極輪蹄方逞志鶴  
髮韜真世不知日月星辰幾回死金鼎作丹丹化碧  
三萬六千神入宅仙凡受術幾千年已是當時駕鴻  
客海光悠容天路遠春風王女闈宮苑紫筆親教書  
姓名玉皇詔刻青金簡桂窻一別三千春秦妃鏡裏  
娥眉新忽控香虬天上去海隅劫石霄花塵一從仙



駕辭中土頽日昏風老無主九州事奪無時休八駿  
垂頭避豺虎我亦玄元千世孫眼穿望斷蒼烟根花  
白鳳竟冥冥飛春走月勞神昏百年命促奔馬疾  
愁腸盤結心摧崢今朝稽首拜仙兄願贈丹砂化秋骨  
劉禹錫唐長慶元祀壬寅秋九月止鄂州官舍時風  
勁秋寒掩關無事月晦前三日有異客毛仙翁至禹  
錫攝衽見之晬容秀目精貌輝然初莫之測坐久語  
及裴相國晉公韓祭酒文公皆爲方外之交嘗有述  
序今因請焉齋心拭目盡得披諷知仙翁之道非人  
間人也拜請延留奉以師禮欣然見許止余所止凡

七晝夜師之異者故不可窮其大推裴韓二公具述  
矣不能復書其察人吉凶貴賤壽夭或假寐自生死  
雖百年之變窮通修短皆俊發利詞指陳毫厘無疑  
忌語堅意真聞人者失色則果然符契于意其神授  
乎其智知乎至於金火飛伏之道鍊魂御氣之訣吾  
又莫得而窮之矣嗟乎禹錫之生蹇厄以至羈沉遇  
師之目謂其有人爵之望可至人臣則鄙誠豈敢企  
望但師之道多隱晦人不能盡知况仁義 惻憫時  
又甚焉真乎出世者也今將適桃花溪訪秦人追羽  
客臨風再拜謹志大略以俸他日之約其年九月二



十九日門人劉禹錫述

禹錫時赴和州於武昌縣喜再遇十八兄仙翁因成絕句武昌山下蜀江東重向仙舟見葛洪又得案前親禮拜大羅仙訣王函封

張仲方云毛仙翁毛仙翁容貌常如二八童幾歲頭梳雲鬢綠無時面帶桃花紅眼前人世閱滄海肘後藥成辭月宮方口綉眉編具齒瞭然炁炁雙瞳子芝椿稟氣本堅強龜鶴計年應不死四海五山長獨遊矜貧傲富欺王侯靈通指下輒變化瑞氣爐中金玉流定是烟霞列仙侶暫來塵俗救危苦紫霞妖女瓊

華飛秘法處心傳附與陰功足陰功成羽駕何年歸上清待我休官了婚嫁桃源洞裏覓仙兄

杜光庭云毛仙翁者名千字鴻漸得乂視之道不知其甲子常如三十許人其鬪容穉姿雪肌玄髮若處子焉周遊湖嶺間常以丹石攻疾陰功救物受其賜者不可勝紀大中戊寅歲進士張為薄遊長沙落魄數載以詩酒自得不汲汲於隨計一但值女奴於岳麓山下若豪家之青衣焉奔而歸之張遽感焉歲餘寢成羸疾尪瘠骨立待時而已毛翁自海陵來泊于道族即張所止也請謁之者逡巡盈門皆曰尊師十



年二十年一屈于市人仰其惠猶夏乏陰冬日之陽也蒙其澤者多矣顧見張愨之曰子妖氣邪光浹遍肌骨苟不相值殞於旦夕也吾有鮑南海凡可數百步張之魅妾長號一聲蹙然而斃因共視之即木偶人也心下至足肌肉如人心上至頂猶木偶之狀眾共異之弃于江中師曰此魅逝矣子之性命可全形骸可保也又以丹砂三粒其狀黍米命張吞之旬月之間肌豐力倍僂疾都瘳師忽告太不言所之張遂爲詩別焉其略云羸形感神藥削骨生豐肌蘭炷飄靈烟妖怪立誅夷重覩日月光何報父母慈黃河濁

滾上別泪流漸上黃河清有時別泪無收期自是別去莫知所適江湘間至今以爲口實張進士亦南入臺山訪道而去今觀朝彥贈仙翁文集果符長沙之事裴晉公度牛公僧孺令狐公楚李公程李公宗閔李公紳楊公嗣復楊公於陵王公起元公積當代之賢相也白公居易崔公郾鄭都尉澣李公益張公仲方沈公傳師崔公光略劉公禹錫柳公公綽韓公愈李公翱當代之名士也望藹寰區名動海島或師以奉之或兄以事之皆以師爲上清品人也或美其登仙出世或紀其孺質嬰姿或異其藏往知來者或叙其




液金水王霞綺交爛組綉相宣蓋玄史之盛事也自  
元和泊太中戊子五十餘年容色不改信非常人矣  
竒章公獨以上昇爲疑者乃拘教宇常未達神仙之  
深旨矣夫仙之上者骨肉昇飛與天無極又九天之  
上無何之鄉爲極陽之都神仙之府也世之得道者  
煉陰而全陽陰滓都盡陽華獨存故能上賓于天與  
道冥合則黃帝駕龍而騰躍子喬控鶴而飛翔赤松  
乘雨而飄飄烈寇馭風而上下史簡昭著又何疑焉  
所云胡國胡法將終之事是設幻化之誣詞謗神仙  
之輕舉者有是焉耳嘗試論之真一旣判元精肇分

清氣爲人謂之三才皆稟於妙無成於妙有人之生  
也參天而兩地與氣爲一天地所以長存者無爲也  
人所以生化者有爲也情以動之智以役之是非以  
感之喜怒以戰之取捨以弊之馳騫以勞之氣耗於  
內神疲於外氣竭而形衰形凋而神遊以至於死矣  
故曰委和而生委順而死率以爲常也脩道之士黜  
嗜欲墮聰明凝然無心沈然無味收視反聽萬慮都  
冥然後虛室生白吻合自然觀化之初窮物之始浩  
然動息與道爲一矣與道爲一則恣心所之從心所  
欲是非不能亂勢利不能誘寒暑不能變生死不能





唐詩紀事卷第八十一  
于指顧乎八極之外逍遙乎六虛之表無所不察無  
所不知目能洞視耳能洞聽亦能視聽不由乎耳目  
何者神鑒於未然智通於無極也如此則世人之休  
咎壽夭富貴貧賤皎然在目豈俟乎陰陽之數筭龜  
之兆而後知之乎毛仙翁則其人也衆君子歌詩志  
之序述讚之曷足盡仙翁之道暨仙翁之美哉因  
以神仙之事迹紀仙翁之功因書于卷末云通正元  
年丙子三月七日辛酉杜於庭序

唐詩紀事卷第八十一







千指領十八松... 凡... 于... 夫... 以... 參... 所不知... 何者... 妙音... 之垂... 之丹... 以神... 年... 唐詩... 卷八...





